

## Есіл ауданының елді мекендерінде иттер мен мысықтарды ұстау ережелері туралы

### *Күшін жойған*

Солтүстік Қазақстан облысы Есіл аудандық мәслихатының 2009 жылғы 25 желтоқсандағы N 24/148 шешімі. Солтүстік Қазақстан облысы Есіл ауданының Әділет басқармасында 2010 жылғы 6 ақпанда N 13-6-140 тіркелді. Күші жойылды - Солтүстік Қазақстан облысы Есіл аудандық мәслихатының 2012 жылғы 7 маусымдағы N 6/29 Шешімімен

**Ескерту. Күші жойылды - Солтүстік Қазақстан облысы Есіл аудандық мәслихатының 2012.06.07 N 6/29 Шешімімен**

«Әкімшілік құқық бұзушылық туралы» Қазақстан Республикасының 2001 жылғы 30 қаңтардағы № 155 Кодексінің 3-бабы 2-тармағына, «Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасының 2001 жылғы 23 қаңтардағы № 148 заңының 6-бабы 1-тармағының 8) тармақшасына сәйкес Есіл аудандық мәслихаты **ШЕШТІ:**

1. Есіл ауданының елді мекендерінде иттер мен мысықтарды ұстау ережелері бекітілсін (қоса беріледі).
2. Осы шешім ресми жарияланғаннан соң 10 күнтізбелік күн өткеннен кейін қолданысқа енгізіледі.

хатшысы  
(ЕАМ)

Есіл аудандық Сессия төрағасы,  
мәслихатының  
Б. Шерияданов

КЕЛІСІЛДІ: 2009 жылғы 28 желтоқсан  
Аудандық ішкі істер бөлімінің  
Бастығы (АІІМ) А. Ибраев  
Аудандық ауыл шаруашылық  
бөлімінің бастығы (ААШБ) Б. Әлжанов  
Қазақстан Республикасының  
ауыл шаруашылығы Министрлігінің  
агроөнеркәсіптік кешеніндегі мемлекеттік  
инспекция Комитетінің аудандық аумақтық  
инспекциясының бастығы (ҚРАШМАӨКМИКААИ) С. Рахметов

*Есіл ауданы бойынша мемлекеттік санитарлық-  
эпидемиологиялық қадағалау*

*басқармасының бастығы (ЕАМСЭҚБ)*

*Т. Гошовская*

Аудандық

мәслихаттың

2009

жылғы

25

желтоқсандағы

№

24/148

шешімімен

Бекітілген

**Есіл ауданының елді мекендерінде иттер мен мысықтарды ұстау  
ЕРЕЖЕСІ**

Осы Ереже "Әкімшілік құқық бұзушылық туралы" Қазақстан Республикасының 2001 жылғы 30 қаңтардағы № 155 Кодексіне, "Ветеринария туралы" Қазақстан Республикасының 2002 жылғы 10 шілдедегі № 339 Заңына, "Қазақстан Республикасындағы жергілікті мемлекеттік басқару және өзін-өзі басқару туралы" Қазақстан Республикасының 2001 жылғы 23 қаңтардағы № 148 Заңына сәйкес әзірленген. Ереже Есіл ауданының елді мекендерінде иттер мен мысықтарды ұстау тәртібін реттейді.

Осы Ереже барлық иттер мен мысықтардың иелеріне, меншік түріне қарамастан заңды және жеке тұлғаларға, сондай-ақ иттер мен мысықтарды серуенге алып шығатын барлық тұлғаларға (бұдан әрі - Иелер) қолданылады.

**1-тарау. Жалпы ережелер**

1. Осы Ереже Есіл ауданының елді мекендерінде әрекет етеді.

2. Осы Ережеде келесі түсініктер қолданылады:

ит - үй жануары, сүт қоректі, қасқыр тектес жануарлар, көлеміне, түсіне және басқа да белгілеріне қарамастан;

мысық - үй жануары, сүт қоректі, мысық тектес жануарлар, көлеміне, түсіне, және басқа да белгілеріне қарамастан;

жануардың иесі - ит пен мысықтың асыраушы, күтуші адам не болмаса иесінің келісімімен жалға алушы және осыған ұқсас әрекеттегі адам.

иесіз жануарлар - тіркеуде жоқ, иелерін анықтау мүмкін болмаған, иелерінен адасқан не болмаса қашып кеткен, иесі немесе жануарға жауапты адам тарапынан қараусыз жүрген жануарлар;

иттер мен мысықтарды серуенге шығару - иесінің меншігі болып табылатын немесе басқа тұлғадан жалға алып отырған орын-жайдан тыс жерде болуы және иттер мен мысықтардың арнайы белгіленген аумақтарда серуендеуі болып табылады.

## **2-тарау. Иттер мен мысықтарды тіркеуге алудың тәртібі**

3. Жеке және заңды тұлғаларға тиесілі иттерді үш айлық мерзімінен бастап және екі айлық мерзімінен бастап мысықтарды Есіл ауданының ауыл шаруашылық және үй жануарларын тіркеу жүргізетін органдарында тізімдік есепке алынуға, тіркелуге жатады.

4. Әрбір тіркеуден өткен үй жануарларына бірдейлендіру реттік саны беріледі, бұл реттік сан оның бүкіл өмір сүру кезеңіне сақталады. Ит пен мысықты тіркеу барысында иелерінің есебінен белгіленген үлгіге сәйкес ветеринарлық құжат беріледі.

5. Тіркеу барысында иелер осы Ережемен таныстырылады. Жануарлар иелерінің Ережемен танысқандығы тіркеу Кітабына қол қойылумен рәсімделеді.

6. Ит пен мысықты тіркеуден өткізу және қайта тіркеу кезінде иелері келесі құжаттар мен мәліметтер беруі қажет: иесінің жеке басының төл құжаты, салық төлеушінің тіркеу нөмірі, мекен-жайы, байланыс телефоны, ит пен мысықтың туылған күні, түрі, түсі, жынысы, лақап аты, ерекше белгілері немесе жануардың сипаты.

7. Үй жануарына эвтаназия қолданылғанда немесе өліп қалған жағдайда ветеринарлық құжат пен жетон жануар бұрын тіркеу жүргізген органға немесе мекемеге тапсырылады.

8. Тіркеуші орган жануардың шығу (сатылу, жоғалу, өлу, басқа бір адамға тапсырылу) жағдайларында тіркеуден шығару үшін немесе қайта тіркеуі үшін хабарлануы керек. Иелер тұрғылықты жерін ауыстырғанда үй жануарлары екі апта мерзімінде тіркеледі.

. Иттерді (үш айлық мерзімінен бастап) және (екі айлық мерзімінен бастап) мысықтарды сатып алу мен сату, басқа бір адамға тапсыру, барлық көлік түрлерімен аудан ішінде тасымалдау әрекеттері құтырма және басқа да жұқпалы ауруларға қарсы егілген уақыты белгіленген жануардың ветеринарлық құжаты болған жағдайда ғана рұқсат етіледі.

## **3-тарау. Иттер мен мысықтарды ұстау**

10. Тұрғындарға, кәсіпорындарға, мекемелер мен ұйымдарға тиесілі иттердің барлық түрлері үш айлық мерзімінен бастап, құтырма ауруына және эпизоотиялық көрсеткіштерге сәйкес лептоспироз, микроспория ауруларына қарсы міндетті түрде егілуі және гельминттердің болмауына тексерілуге тиіс немесе профилактикалық алдын-алу шаралары қолданылуы тиіс.

11. Мысықтар туылғаннан екі айлық мерзімнен бастап адамдар мен жануарларға бірдей жұқпалы ауруларға, эпизоотиялық көрсеткіштерге сәйкес

микроспорияға қарсы егілуге, гельминттердің болмауына тексерілуге тиісті.

12. Иттің иесі ретінде (иелердің ерекше жауапкершілігін қажет ететін иттердің түрлерінен басқа) 14 жасқа толған, ата-анасының жазбаша рұқсаты бар (итті өз атына тіркеу үшін) тұлға болуы мүмкін.

13. Егер жануардың иесі заңды тұлға болған жағдайда, міндетті түрде жануарды ұстауға жауапты адамды тағайындауға міндетті.

14. Иттер мен мысықтарды ұстауға иелері кейбір талаптарды сақтауы керек:

1) қоршаған ортаға, адамдарға қауіпсіздік келтірмейтін және тыныштық сақтауды қамтамасыз ету;

2) көп пәтерлі тұрғын үйлерде жануарлармен тыныштық бұзуға жол бермеу бойынша шараларын қабылдау;

3) алаңдарды, кіреберістерді, сатылық торларды, лифтілерді, балалар алаңдарын, жолдарды, тротуарларды, шағын гүлбақтарды, демалыс аумақтарын, әзірленген жемшөптерді, үй маңын (бау-бақшаларды) ластамау, ал ластанған жағдайда міндетті түрде жедел тазалауды жүзеге асыру (қағаз немесе полиэтилен пакеттерін пайдалану).

4) жануарларды түрлеріне және тұқымдарына қарай зоотехникалық, зоогигиеналық және ветеринарлық-санитарлық талаптарға сәйкес ұстау, қоғамдық қауіпсіздікті қамтамасыз ету.

5) иттер мен мысықтарды олардың биологиялық қажеттіліктеріне сай ұстау, оларға ізгілікті қарау, қараусыз қалдырмау, өздерінің жануарларына қажеттілігіне қарай тамақ беру, таза су ішуге жағдай жасау, ұрмау.

6) ветеринариялық мекемелер мамандарының талаптары бойынша иттер мен мысықтарды бақылау үшін, диагностикалық зерттеу және емдеу, алдын-алу шараларын жүргізу үшін бөгетсіз берілуі керек.

7) иттер мен мысықтарға бекітілген мерзімде міндетті ветеринарлық іс-шаралар өткізу, карантиндік тәртіпті сақтау, жұқпалы ауруларды жою бойынша іс-шаралар өткізу.

15. Иттер мен мысықтарды жекелеген тұрғын үй қорында ұстағанда жақсылап қоршалған, яғни қашып кете алмайтындай, адамдарға не болмаса басқа жануарларға шабуылдамауына ыңғайлап жасалынған аумақта ұсталуы тиіс. Осы аумақта үлкен немесе орташа иттің барлығы жөнінде кіреберісте 20x30 сантиметр көлеміндегі, иттің суреті бар "Ит күзетеді! Охраняется собакой!" ескерту қойылуы шарт.

16. Жекелеген тұрғын үй қорының үйлерінде иттер мен мысықтарды ұстау саны шектелмеген, бірақ көршілерге ыңғайсыздық тудырмауы тиіс.

17. Көп пәтерлі тұрғын үйлерде иттер мен мысықтарды көпшілік пайдаланатын (ас әзірлеуге арналған бөлмелерде, кіреберістерде, баспалдақ алаңдарында, үйдің шатырында, жертөлелерде, балконда және басқа да қосалқы

үй-жайларда) орындарда және үй маңында (жеке тұрғын үй аумағынан басқа), қонақ үйлер мен жатақхана дәліздерінде ұстауға рұқсат етілмейді.

18. Иттер мен мысықтарды зообұрыштарда, балалар және жасөспірімдерге арналған мекемелердің "тірі бұрыштарында", жазғы және қысқы сауықтыру орталықтарында (санаторийлер, демалыс үйлері, пансионаттар) санитарлық-эпидемиологиялық және ветеринарлық қадағалау органдарының рұқсатымен ұстауға болады.

19. Иттер мен мысықтар ауырғанда немесе ауруға күдікті болғанда жедел түрде ветеринарлық мекемелерге хабарласу, тексерістердің қорытындысы бойынша мамандардың ұсыныстарын мүлтіксіз сақтау.

20. Иттер мен мысықтардың адамды немесе жануарларды қауып алу, жарақаттау жағдайларында жедел түрде медициналық мекемелерге, ветеринарлық емханаларға хабарласу, осы жануарларды бақылауға және карантиндік іс-шараларды қолдануға тапсыру. Жарақаттауға кінәлі ит немесе мысықтың иесі жарақаттанушыға өзінің аты-жөнін және мекен-жайын хабарлауға тиіс.

21. Ит немесе мысықты одан әрі ұстауға мүмкіндік болмаған жағдайда оны басқа тұлғаға, жануарларды қорғау мекемелеріне береді немесе ветеринариялық мекемеге тапсырады. Үй жануарларын тастап кетуге (иесіздікке ұшыратуға) қатаң тыйым салынады.

22. Үй жануарының өліп қалған жағдайларында оларды есептен шығару үшін оны тіркеген органдарға хабарлау қажет.

23. Үй жануарының белгісіз себептермен өліп қалған жағдайларында немесе құтыру ауруына шалдығуға ұқсас белгілері болған жағдайда жедел түрде ветеринарлық мекемелерге немесе лицензияланған ветеринарлық дәрігерлерге өлудің себептерін анықтау үшін хабарласу қажет.

24. Өліп қалған иттер мен мысықтардың өлігін лақтырып тастауға, аудан аумағына көміп тастауға тыйым салынады, өлген жануарлардың өлекселерін жинайтын қызмет орындарынан тапсырылуға немесе жануарлар өлексесін жоюмен айналысатын орындарға тапсырылып, тиісті құжаттар алынуы керек.

25. Көшелерде және басқа да орындарда иелері тарапынан байлаулы қалдырылғандардан басқа, ілеспе тұлғаларсыз жүрген иттер мен мысықтар қараусыз жүргендер болып саналады және аулануға жатады.

26. Иттер мен мысықтар иелерінен Қазақстан Республикасы Үкіметінің 2003 жылғы 28 сәуірдегі N 407 Ветеринария саласындағы нормативтік құқықтық кесімдерді бекіту туралы қаулысымен бекітілген «Жануарларға және адамдар денсаулығына ерекше қауіп төндіретін Жануарларды, жануарлардан алынатын өнімдер мен шикізаттарды міндетті түрде алып қою және жою жүргізілетін кездегі жануарлардың ерекше қауіпті ауруларының тізбесіне» сәйкес белгіленген

ауруды анықтаған жағдайларда, ауданның мемлекеттік бас ветеринарлық инспекторының шешімі бойынша немесе сот шешімі бойынша алынып қойылады немесе өлтіріледі.

27. Ит немесе мысық иелерінен адамды қауып алу, жарақаттау жағдайларында адамға жұғатын қауіпті аурудың болуы себебіне зерттеу өткізу үшін алынып қойылады. Егер жануар сау деп танылса, онда иесіне қайтарылады.

#### **4-тарау. Иттер мен мысықтарды серуенге шығарудың реті**

Иелері итті серуенге шығарғанда келесі талаптарды орындауы тиіс:

28. Иттерді тұмылдырықпен (декоративті түрінен басқа) және қысқа (1,5 метрге дейін) мойын жіппен, экскременттерін жинауға арналған ыдыспен және міндетті ветеринарлық алдын-ала өңдеуден өткен жануарларды серуендетуге шығару.

29. Иттерді тұмылдырықсыз және мойын жіпсіз тек арнайы қоршалған аумақтарда, жаттықтыру алаңдарында, жергілікті атқарушы органдары бекіткен еркін серуен алаңдарында алып жүруге болады.

30. Итті қысқа мойын жіппен және тұмылдырықпен, өздігінен шешіліп кетпейтіндей, иесі ғимараттың ішінде уақытша болған мерзімге, егер де ит басқа тұлғаларға қауіп төнгізбейтін, қоғамдық тәртіпті бұзбайтын, қозғалыстарға және өзіне зиян келмейтіндей жағдайда байлаулы қалдыруға болады. Осы кезде ит жүргіншілердің жүріп тұруына кедергі болмауы керек.

31. Иттердің иелері әрдайым иттің мойнына аты, түрі, иесінің мекен-жайы мен телефондары көрсетілген жетон бекітілген қарғыбау тағуы керек. Иесінің тілегі бойынша жетонда итке қатысты басқа да мәлімет болуы мүмкін.

32. Иттердің иелері келесі шектеулерді сақтауға тиісті:

1) құтырма ауруына қарсы егілмеген және токсоплазмозға тексерілмеген иттерді серуендетуге;

2) иттерді серуендетуге, көпшілік шомылатын жерлерде жуындыруға, тоғандарда, фонтандарда, су айдындары мен бөгеттерде шомылдыруға;

3) иттерді қоғамдық тамақтану кәсіпорындарына, азық-түлік дүкендерінің сауда жасау және өндірістік орындарына, сервистік қызмет көрсету мекемелері мен мәдениет мекемелеріне әкелуге, ұстауға;

4) халық көп жиналатын орындарда және қоғамдық шаралар өтетін жерлерде иттермен болуға тыйым салынады.

33. Иесі мас болған жағдайда итті ертіп жүруге және көпшілік жүретін орындарда серуендетуге, көлікте алып жүруіне тыйым салынады.

#### **5-тарау. Иттер мен мысықтардың иелерінің міндеттері**

34. Тіркелген иттер мен мысықтар иелерінің меншігі болып табылады және басқа меншік сияқты заңмен қорғалады.

35. Жануар иесі Қазақстан Республикасының заңнамасымен бекітілген тәртіпте және жағдайларда адам мен жануардың денсаулығына қауіп келтіретін жануарды алып қоюдың және жоюдың нәтижесінде құнын өтеуге құқылы.

## **6-тарау. Ереженің сақталуын бақылау**

36. Есіл ауданының елді мекендерінде иттер мен мысықтарды ұстау Ережелерінің сақталуын бақылауды Қазақстан Республикасының заңнамасына сәйкес уәкілетті мемлекеттік органдар жүзеге асырады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК